



ЧЕЛЯДЬ КАДСЯНЬ - ВУЗАСИСЬ



МОРТЫС БАСӨК УДЖОН

**Нина Ивановна Лунегова уна годдэз уджалё вузасисьён
Кудымкарскöй районлөн Ошиб посадын
центральной магазинын.**

2 листбок
вылын

ШОНЫТ ПАНТАСЬӨММЕЗ - ЛЫДДЬӨТІССЕЗ ПОНДА



**КОСАМСЬ БИБЛИОТЕКАЛӨН
ЫДЖЫТІ ВЕЖАЛУН**

2 листбок
вылын



КӨЧ ПОСАДИСЬ БОЛЬНИЦАЛӨ - 100 ГОД

**«Зовусь я медработником, и
этим я горжусь» нима районись
больницаын уджаліссез понда
вечер-чествование, кода
вөлі лөсьөтөм 100 годся юби-
лей кежө Кочёвскöй врачёбнöй
участоклөн шогмөмсянь.**

Вера Мелехина.

Уджалікө татчө талун чукөртчөм
отирөс туйис адззывны пыр дзир вы-
ланыс пасьталөм чочком халатаззөн
да юр вылө пунктөм юрвөтөн. А талун
ня быдөнныс бытшөма мөдөтчөмсь,

быдлөн юрыс лөсьөтөм дивуйта-
на причёскайн. Вежалуныс кежө
лөсьөтчөмась дыр и бытшөма:
өктөмась уна материал, фотографияз.

Вечер пондөтчанын бур кыв-
вез висьталісө өння кадся главнöй
врачөс вежись Н. А Минина, да сы од-
зын больницалөн юралісь Г. В. Мака-
ров (өні - Добрянка карісь районöй
больницалөн главнöй врач). Больни-
цаись уджалісь чукөр пө өддөбн зэла
йитөм да ёртасьөм өтамөд коласын,
сйөн пө и босьтис и видзө нельөт места
крайісь больницазз коласын.

Уна чолөммез висьталісө и
Кочёвскöй муниципальной районлөн
главаөс вежись Г. Д Олехова, и сельскöй
поселеннелөн да Земскöй собраннелөн
представителез и округісь районнöй
больницаззлөн юраліссез.

3 листбок
вылын

ШОНЫТ ПАНТАСЬОММЕЗ — ЛЫДДЬОТИССЕЗ ПОНДА

Эта годё ноябрь месяцё
Косаись библиотекалө ты-
рис 115 (өтік сё дасвит)
год.

Этö öнi поди не сiдз
ни тшöка тэрмасьö
лыддьöтись библиотекаö.
А одзык лыддьöтан зал-
лэзын пыр тыр вöли отир.
Вовлисö нельки просто
сiдз: шоччисьöм могись
видзöтисö журналлэз,
лыддьöтисö газетаз.

Елена Коньшина.



**Пантасьöм вылö локтисö ния морттэз,
кин понда библиотекаыс лоö мөдöдз гортöн.**

Косаын библиотека осьтöм
йылись гижöмась 1896 год-
ся «Чердынскöй уезднöй ве-
домосттезын»: апрель 18 лун-
сянь Губернатор лэдзöм пö
осытны бесплатнöй народнöй
библиотека-читальня Коса по-
садын, волостнöй правленнёлöн
керкуын, библиотекарьöн пö
лоас Егор Иванович Матвеев,
а удж сьöрын пондас видзöтны
вичкуись священник Александр
Попов.

Медодз лыддьöтисез йылись
гижöмыс эм 1901 годся книгаын:
год коста вовлöмась 87 (кыкъя-
мысдас сизим) лыддьöтись, ны
коласын — крестьяна 69 (кватъ-
дас öкмыс) морт, духовенство
— кватъ морт, купецез — си-
зим морт. 1904 годö библио-
тека вуджötöмась Косинскöй
народнöй училищелöн керкуö,
библиотекарьнас сэк уджалöм
велötись Михаил Иванович Коро-
лёв.

Юбилейлö вöли козыналöм
пантасьöм, кöда чулалис
районнöй библиотекалөн
лыддьöтан жырын. Кыдз


висьтасьö Вера Петрова,
библиотекаөн веськötлись, эта
лунö татчö öкисисö ния морт-
тэз, кин понда библиотекаыс
лоö мөдöдз гортöн. Тöдвылö
уськötисö быдöс интереснöйсö,
ассямасö. Уна баитисö краеве-
деннө йылись. Висьталöм дынö
Вера Дмитриевна содтис: «Оння
задача, кöда сулалö библиотека
одзын, — саймötны лыддьötисьын
радейтöм асланым му дынö,
отирлөн обычайез да традицияез
дынö. Уджсö колö сувтötны сiдз,
мед библиотекаö вовлисö и ыд-
жыттэз, и учöttэз. Мийö уджалам
проекттэз сьöртi. Ны коласын:
«Тöд ассит вужкез», «Асланым
пельöссез», и виль проект, кöда
пондiс уджавны нач неважын
«Оз ков вунötны». Библиотека-
ын вöлисö пантасьöммез тöдчана

гижиссезкöt: Семён Алексеевич
Федосеевкöt да Василий Пав-
лович Кузнецовкöt. Косинскöй
шöрöt школаись велötись Анна
Николаевна Кучева чулötис пре-
зентация «Менам земляк — Ле-
онид Нилюгов», и эшö уна мөдiк
мероприятиеез чулötимö и мөдам
керны одзлань, быдöс йылись он
и висьтав сэкжö.

Вера Дмитриевна поздравитс
вежалунөн библиотечнöй уджлiсь
ветераннэзöс, ошкис библиоте-
каын уджалиссезöс. Чукöрыс пö
неуджыт, но профессиональнöй,
творческой. Вермасö пö мыччав-
ны асланыс уджөн, что библиоте-
каыс и öнi колö, и сьöлöмви лоас
лыддьötисьлö.

Фотографияз
Октябрина Кучевалөн.

СУББОТИН- ПЕРМЯКЛÖН НИМЛУН КЕЖÖ



Декабрь
кватъöt
(6) лунö
Пётр Ивано-
вич Субботин-
Пермяклö,
тöдчана
художниклö ты-
рис 125 год.
Эта событиекöt
Коми-Пермяцкöй
краеведческой
музей, кöдö осьтiс
Кудымкарын

Пётр Иванович, йитис ассис öкмысдас
(90) годся юбилей. Ыджыт вежалунлөн
рамказын музей чулötис конферен-
ция: «Музей: новые возможности разви-
тия». Форум вылын уна баитисö и Пётр
Субботин-Пермяклөн олан йылись.

Чужис да быдмис Пётр Субботин Ку-
дымкар посадын, уджалис граф Стро-
гановвез дынын. Сэсся велötчис Мо-
скваын Императорскöй Строгановскöй
художественно-промышленнöй учи-
лицеын. А 1919 годö локтис Пермскöй
губернияö да осьтис художественно-
промышленнöй мастерскöйез. 1923
годöдз уджалис велötисьöн. Художниклөн
творчество сьöртi уна уджез поэзö ад-
ззыны окружнöй музейын. Кудымка-
рын 1996 годсянь уджалö экспозиция
«П.И.Субботин-Пермяк: страницы жи-
зни». А 2008 годсянь театрын, музей-
ын мыччасьö спектакль «Я не уста-
ну быть живым», кöда сiдзжö козыналöм
художниклö. Этö ötласа проект музейлөн
да округись драматической театрлөн,
кöдалөн сценарийыс гижöм музейлөн
фонддэзись документальнöй материал-
лэз сьöртi. Пётр Иванович Субботин-
Пермяклөн олан да творчество йылись
уна висьтасьöны и книгаез да альбоммез.
2010 годö музей дынын миян земляклö,
тöдчана мортлö, художниклö сувтötöм
памятник.

Е. УТРОБИНА.

мортыс басök уджөн

ЧЕЛЯДЬ КАДСЯНЬ — ВУЗАСИСЬ

«Эшö учötөн ме орслi вузасисьöн,отсавлi теткалö вузасян лавкаын, велötчи лыддисьны счетызöн...»

**Чужис Нина Ива-
новна Лунегова 1956
годö Кудымкарскöй
районлөн Ошибскöй
сельскöй советись
Петухова дерев-
няын «Ошибский»
нима совхозись
уджалиссезлөн
уна челядь семья-
ын. Медперво мунис
велötчыны Патрукова
деревняись начальнöй
школаö,сыбöрын
велötчис Ошибскöй
шöрöt школаын,
кытөн помалiс кыкъя-
мыс класс да мунис
велötчыны вузасись
профессия вылö, кöда
дынö кыссис учötсянь.**

Иван Шипицин.

Кыдз висьтасьö ачыс
Нина Ивановна: «Че-
лядь кадсянь ме орслi
вузасисьöн, пыр отсалi
теткалö вузасян лавка-
ын, эстөн велалi уджав-

ны весазöн да лыддись-
ны счетызöн, и былъ сэс-
ся эта профессия пырис
менама оланö пыр кежö».
1976 воö курссез помалöм
бöрсянь сiя локтис уджав-
ны Ошибскöй сельпоö,
пондötис ассис медодз удж
центральной столовöйын,
а 1977 воö сийö сувтötисö
уджавны вузасисьöн
продовольственнöй да
непродовольственнöй
товаррезöн, сiдзжö Нина
Ивановна уджалис и
центральной складаын,
сыбöрын бöр мунис уджав-
ны прилавок сайö, ассис
уджсö сiя пыр старайтчö
керны бытшöма: тыртö то-
варооборот сьöртi сетöм
планнэз быд месяцö,уджалö
населеннекöt: примитö
карчйöрись быдмассез
да заявкаез босьтасиссез-
сянь быд колана тор вылö.
Сы корöмөн Ошиб посадын
центральной магазинын
вöли керöм ремонт, вайöм
да сувтötöм, кыдз вузасян,

сiдз и холодильнöй обо-
рудованне. Öнi вузасянiн
лоис сöстöм, югыт да
шоныт. Кыдз Ошибскöй
сельполөн администраци-
яын, сiдз и аслас колле-
газз да босьтасиссез ко-
ласын, сiя пользуйтчö ыд-
жыт авторитетөн. Бур да
колана удж понда Нина
Ивановна наградитöм уна
премиязöн, Почетнöй
грамотазöн да мөдiк
козиннэзöн, медыджыт
награда — Российскöй
центросоюзлөн знак «За
добросовестный труд в по-
требительской кооперации
России». Сiя пыр вылын
местаын, велötö ассис
коллегаззöс, кыдз керны
сiдз, мед босьтасиссез эзö
орддьö магазин, эд миян
кадö öддьөн сьöкыт мун-
ны веськыт туй вылöt, мед
не кежны бокö, гөгöр ыд-
жыт конкуренция, и колö
пуктыны эта понда ыджыт
вын, мый Нина Ивановна
и керö. Быдтiс да сувтötис



**Бур удж понда Нина
Ивановна наградитöм уна
грамотазöн.**

Фотографияз авторлөн.

кок йылö куйм пи:Михаил
уджалö ветеринарөн, Ма-
рия велötчö Пермскöй
педагогической универ-
ситетын. Галина уджалö
Перемын секретарь
— референтөн.Челядь
öддьөн радейтöны асси-
ныс мамнысö, и мый бы эз
вöv, ния пыр ськöt ордчөн.
Таво август месяцö Нина
Ивановна порйötис ассис
витдас вит годся юбилей,
локтис заслуженнöй шоч-
чисян кад и вопрос вылö:
пондат ли уджавны од-
злань? сiя висьталiс: « Ме
уджалi нельдас во, тыр-
мас ни — колö шоччись-
ны, керны гортись удж,
быдтыны внуккезöс. Öнi
колö сетны уджалан туйсö
томпöлöслö, медбы ния
велалисö уджавны сiдз жö,
кыдз и мийö, и мед керисö
ассиныс удж миянся бур-
жыка».

ОЛАН-ВӨЛАН, ПРОВИНЦИЯ!



Ноябрь 19 лунө Көч посадын чулалис мөдик этапа «Здравствуй, Провинция!» ним увтын народной творчество сьорті фестивал, кода мунө край пасьтөн сьорсьон-бөрсьон куим этапөдз. А нуөтсьо сия сы понда, мед адззыны виль ассяма отирөс сьылись-йөктиссез да кывбур лыддьөтиссез коласись.

Вера Мелехина.

Фестиваль вылын асьнысө мычавны локтисө артисттэз куим районись и быдыслөн мыччаломын вөлі мыйкө ассяма: Кочөвсалөн программанысө кужомөн нуөтис бытшом мича ныв **Ольга Рогозенко**, кода пондөтчансянь лэбтис настроеннө и видзөтиссезлись, и артисттэзлись; Косалөн программа нуөтиссез вөлісө пельняннез образзезын, сідз кызд неважын ны му вылын чулөтсис сы увья фе-

стиваль; Гайнса пондөтисө мыччаломнысө Пера да Зарань йылись легендаөн, сідз кызд лыддьоны, мый нылөн муныс и эм Пералөн чужанін. Сэтөн жө ордчөн вөлі эшө и лөсьөтөм декоративно-прикладной выставка: оружиелөн пуись керөм быдса арсенал, и серөтөм серпассэз, и симөтись да шөртись гөрдзэз берся, и асвурөм небыт аканнез, и нельки дивуйтана декупажөн керөм быдкодь торыс.

Районнэзлөн чукөррез мыччалисө челядылись да гыриссезлись народной да эстрадной сьылөм, а сідзжө



Көч посадись «Напевы» нима сьылан чукөр.



Ольга Аркадьевна Анисимовалөн декупаж сьорті дивуйтана уджжез.

быдкодь йөктаннэз. Жюриын пукалисө Перемись народной творчество сьорті керкуись да Кочөвской районись культуралөн управленнөись специалисттэз. Ния и видзөтисө да донтисө сьылись-йөктись йөдсө. Фестивальыс помын журиыс висьталисө, мый мыччаломын петис быдөс бура, а мый вылын колө эшө уджалыштны, кызд лөсялө сетөм жанррез дынө артисттэзлөн паськом-комкөт, да кужомөн ли бөрийөмсө концертной номеррез фестивалыс кежө. А сьобрын, көр журиыс видзөтас чукөрресө быдөс крайись, видзөтөмсис бөрьясө концертной номеррез

куимөт этап вылө, кода чулалас Перемись декабрь 17 лунө. Кызд баитө Көч посадись культура керкулөн юрались **Ольга Валерьевна Лузинова**, сетисө пө быд районлө дзир нель дас минута быдөс творческой чукөррезлө да торья сьылиссезлө, и сийөн быдөннысө нельки мычавны эгө пө вермө. Уна пө районас сьылись-йөктись отирис, не то ли мый нель дас минута – и кык час эз бы пө тырмы. Фестивальыс кыссис куим часья унажык, но видзөтиссез помөдз пукалисө залын да мыдзтөг, дыр шовкөтөмөн, бура примтисө артисттэзсө.

Фотографияэз авторлөн.

юбилей

КӨЧ ПОСАДИСЬ БОЛЬНИЦАЛӨ – 100 ГОД

(Пондөтчаныс медодз листбок вылын).

Талунья лунө районись здравоохраненнөлөн системаын уджалөны сө куимдас сизим (137) морт, сэтись кыкдас кык (22) морт – врачез. Больницаыс шедөтөм «Здоровье» нима Национальной программал, отсөт отирлө сетсьо уна ладорсянь – уджалө поликлиника, стационар, ФГС-, УЗИ-, ФГ-, рентген-, физиотерапевтической да зубоветеринарной кабинеттэз, инькаэз да челядь понда консультацияэз. Годись годө лоө буржыкөн материально-технической база, небсьо виль оборудованнө.

Кызд мыччалө исторической справка, Кочөвской врачөной участка вөлі осьтөм январь месяцө 1911 воө. Сия жө воө осьтөны врачөной амбулатория да фельдшерской да акушерской пункттэз, а сэсся годись годө сө содөны больницаын быдкодь отделеннэз: инфекционной, родильной, терапевтической, пондөтчөны уджавны ФГ-, ЭКГ-, рентген-, УЗИ- жыррез, район пасьта осьтөны фельдшерско-акушерской пункттэз, содө персонал.

100 год – этө тор оланын, кодаись туйө ни казявны, мый да кызд лоис. Но оз ков чапкыны и сийө, мый вөлі. Ветераннэзкөт сөрнитөмись позьө невна и висьтасьыштны важыс йылись. 1944-62 годдзэз абу вөлөм электричество и операцияз керломась керосина лампазэз югорсянь, уджалөма сия кадө больницаын санитарка **Степанова Евдокия Алексеевна**: өт кинас видзө

пө лампасө, мөднас сетө наркоз, и сідз сутки коста керломась кыкьямыс мымда операция – уна доймөммез вөлөмась колхоззезын уджалөм коста. Водопровод абу вөлөм, васө кыскаломась бочкаэзөн, пеласьомась киөн – **Роза Петровна Бусова** кагасянь быдмөма прачөнойын, лун и ой мамыскөт, да сідз сэсся кузь олан и уджалөм сэтөн. Сьобрын ни электроснабженнө керомась дизельной установкасянь, кода сьобрын видзөтөма **Макалөв Антон Васильевич**.

Подшефной совхозын керлим пө турун 42 тонна мымда. Некин эз шу: уджалө пө лун ли, ой ли, сутки ли – гужомөн быдыс мунис эшө и керны турун. *Абу вунөма сэтшөм случай: больницаө вайөтөмась уджалисьсө, кодались жнейкаөн орөтөма коксө, санитарка Марфа Алексеевна уджалөм сутки, сетөма нель сө (400) грамм вур и эшө лунтыр кежө мунөма ытшикисьны.*

Больницаын уджалиссез коласын вөлісө пө янсөтөмсө посадись улицаэз – быд неделяө ветлөтөмась быд керкуөт, видзөтөмась сөстөма ли видзөны керкуын олссез и керку пытшк, и керку гөгөр өтөрсө. Санэпидемстанцияыс врач **Раиса Прокопьевна Ендальцева** ветлөтөм деревняэзөт, пыравлөм быд керкуө и мукөд хозяйкаислө нельки ачыс мыччавлөм, кызд колө миськавны джодж, мед керкуын вөлі сөстөм.

Сьөкыт пө вөлі, но некин вывти эз ойзы, да уджис эз пыксыы. Больницалөн сия кадө вөлөм аслас карчйөр да ферма – видзөмась

порссезөс, мөссэзөс, вөввезөс, турун керомась и видзөтөмась эта сьобрын быдөс асьныс, больницаын уджалиссез.

Уджалим пө субботаэзө и кресенняэзө, но ештим и шоччисьны, чукөррезөн сувтывилм лыжаэз вылө, ветлөтөм киноө. Асланым больницалөн вөлі пө ыджит хор. Врач **Зоя Николаевна Гущина** ачыс вөлі гармоньшица. А одзланьын хорыскөт уджались культура керкуись баян вылын орсись – **Суворов Владимир Яковлевич**. Агитбригадаөн ветлөтөм пө «Сепольской» нима подшефной совхозись Ташкинской фермаб. Ас киөн керөм берсяись лөсьөтлөм выставкаэз – быдөнлө гленичывлисө **Семён Сергеевич Саитов**лөн көртись дорөтөм торрез.

Врачез коласись дыр больницаын уджалөма **Владимир Александрович Дементьев**, колө пө висьтавыны сы уджалан кадө районнын лоөм трахома шөгөтлөн эпидемия. Владимир Александровичөс керомась областьө и сетөмась выговор, а сия кадө син шөгөттэз сьорті врач **Алексей Иванович Коркин** отсалөм сылө вермыны касьтөм шөгөтсө районаным. Эта бөрын Дементьевсө керомась областяс вились да сетөмась благодарность. Сы уджалан кадө больница понда керомась водокачка, строитөмась стационар, и пондөтчөмась вайөтны автотранспорт.

Неетша пуктөма больница зорөтөмө и **Жижилев Василий Иванович**. Туйө пө висьтавыны, мый сия козыналис районлө виль поли-



клиника, современной медтехника, заслугаз понда Көч посадын улицалө сетөмась сьылись ним. А **Макаров Григорий Владимирович**, кода уджались главврачөн медбөрья годдзэз (2004 – 2011г.) пыртись больничной системаб компьютеризация, сы уджалөм коста керисө ыджит ремонттэз стационарын да инфекционной отделеннөын, небсис виль оборудованнө.

100 год – ыджыт дата. Не быд больницались миян крайын туйө лыддьыны сымда годдзэ. Думайттөг туйө висьтавыны, мый районись здравоохраненнө учрежденнөлөн оланын юбилейыс лоис бытшөм пасөн, и кызд баитисө сцена вывсянь юбилей нуөтиссез, больницалөн юбилейыс пө лоө ыджыт вежалунөн сы уджалиссез понда. Талун пө ми чукөртчимө, мед висьтавыны шоныт кыввез нылө, кин этө уджсө керө повтөг да мыдзтөг, и кин өрттэз понда лоө примерөн.

К Ö В Д Ö М Ö К



ДОНА ЧЕЛЯДЬ!

Корам тиянös участвуйтны газеталөн конкурсын. Сылөн ним «Зарань». Гижö да ыстö мянлö сказкаэз.

Максим Рачев (9 год),
Ленинскöй санаторнöй школа - интернат
(велötись Н.В. Рыбьякова)

СТАРИК ДА СТАРУХА (сказка)

О лисö да вöлисö старик да старуха. Öтпырись дед босьтис чер да петис поткötны пес.
- Мыйнö нö тэ керан, старик? - юалис старуха.
- Ме пес поткöта, - висьталис старик.
- Мыйлö тэныт пессö?

- Гор лонтны.
- А мыйлö?
- Медбы шонит вöли.
- Дак и сідз жар.
- А меным кöдзыт, ме кынма.
- Тэ мый мекöt споритан?
- Мый спорита, менам кынöмö сималö, ме бы похлëбка паняла.

Горсö лонт да и пу. А сё кушманөн менö вердан.
Старик лонтис гор, пыралис джоджулö, петкötис картошка, морков да капуста, быдös этö весötис, а старуха пуис чöскыт похлëбка.
- Ой, бура öмös чöскötи. Спасибо, спасибо, старуха.

Полина Караева (11 год),
Ленинскöй санаторнöй школа - интернат
(велötись Л.Н. Попова).

РУЧ И КÖЧ (сказка)



Рисунок авторлөн.

В öр дорын олис - вöлис руч. Öтпыр мунис сия кошшыны сёян. Мунö сия вöрöt и пантасьö сылö кöч. Руч юасьö кöчлис:
- Тэ кытчö мунан?
- Ме муна кошшыны мыйкö сёйыштны.
- Мунам мекöt, öтлаын

пондам кошшыны сёян.
И ния мунисö одзлань. Мунöны ния, мунöны и вдруг кылисö кытшöмкö шы, шаттябаддяись. Ния сибötчисö сия местаö, кысянь кылис шы и казялисö сэтчин сибдöм кайöс. Нылö лоис жаль кайоксö и ния сийö шедтисö

сибдöмсис. Кай öддöн радмис, висьталис «Спасибо» мезмötиссезлö и лэбзис аслас кайпияннэз дынö.
Кöч и руч радсялисö, сідз кыз керисö сэтшöм бур удж и рознитчисö кин кытчö. А сёянсö ния сідз эзö и адззö.

КЫДЗ ЛОАС РОЧÖН



ОЗЪЯГÖД -
ЗЕМЛЯНИКА

ОШ -
МЕДВЕДЬ



ОШСЭТÖР -
КРАСНАЯ
БУЗИНА



БАГУЛЬНИК
ЯДОВИТЫЙ

ОШТАБАК -



ПУКСЬЫ ДА ВАКСЬЫ

Аркадий Мошегов,
с. Пешнигорт.

Валентина Ермакова,
д. Кузьва.

ВИДЗÖТÖ, КЫТЧÖДЗ ЮИСÖ

Э та историяыс вöли быль Кышка деревняын Кочёвскöй районын. Сэксянь кадис чулалис вель уна ни.
Олис деревняяс Лëпöt Мишка (нимсö вежи). Ыджит шутник. «Згальнöй мортөн» шуисö. Уна йöзыс деревнясис полисö шедны сылö син вылö да лöчыт кыв вылö.
Важ виль годö ны ордö мöдик деревняис локтöмась гөссез, родня. А Миша олис беднöя, да и уджавны некöр эз тэрмась. Праздник кежö керöмась невна кизерик брага, стряпайтыштöмась шаньгаэз.
Пуксьötас Миша дона гөссесö пызан сайö. Сёрнитыштас, юкталас браганас. Недыр - мыйись шуöм иньыслö: «Наталь, поттшуйт гөссесö, а ме сосед ордö петавла». А винатор Миша праздник паньтö эшö юыштöм. Гөссезлö удис только öтик стопкаокөн аскур.
Петас Миша öтöрас. А луннас вöлöм ыджыт, крепыт мороз. Öтöрись посöдзас послуз вылö унажык кысътас кöдзыт

ва. Колодечыс аслас, матын. Послуз ледсяласö. Пырас сосед ордö. Пуксяс öшын дынö и висьталö: «Петя, мянын гөссез пукалöны, самогон трескöны, бобгöны, куритöны, сералöны. Менам мывкыд бырис нийö кывзыны. Вот и локтис тэ дынö шоччисöм понда. Пуксьы öшын дынас матöжык, видзöтам, кыз ния пондасö петны». Гөссез пондасö петны öтöрас. Оз и берегитчö, что усясö. Лёда послуз йылись эд эз и думайтö. Öтик петас порог сайö, нильдас, усяс, деймас. Ёртыс только вожмөвтас порогсö да тожö ляпкияс - усяс. Чеччасö, лымсö паськөм вылись треситöны, горөн видчöны, Мишасö прокленитöны нештöм шутка понда.
А Миша Петякöt бура ваксьоны. Сэксянь төвнас Миша ордö гөститны некин эз понды вовлыны.
Деревняяс жö шогмис виль поговорка: «Юан бы усьтöдз - ветлы гөститны Лëпöt Миша ордö».

КОЛЬТТЕЗЛÖН ДОН

К ытшöм только басни он кыв автобусын мунтөн. Автобус Кудымкар - Кува. Народ тыр. Кин пукалö, а кин и сулалö. Кондуктор мунö салонöt вузавны билеттэз. Локтис дед дынö и шуö: «Дедыс, билет босьтам!» А сия паньт: «Менам эм ни билетыс». Кондуктор казялис сылсй ыджыт корзина бокас пунктöм и шуö: «За провоз багажа тожö колö вештыны давай босьт билет корзина-ыт места понда, сэтөн бы морт пукалис, а тэ öтик билетөн мунат бы кыкөн». Дед оз сетчы: «Менам сэтөн не багаж, а кольттез. Миян сельпоас донаöсь ния, а

Кудымкарас донтöмжык вот и вая ме сэтчинись». Дед, конечно, эз вештись, а кондуктор мунис одзлань вузавны билеттэз. Локтис остановка, дед петис корзинанас, а сы местаö локтис тожö старичок корзинаөн. Кондуктор бөр бертис ни и шуö мöдик старикон: «Но мый, босьтан он билеттö кольттет понда?». Старик öшис мывкыдсис, оз вежöрт, кытшöм колö вештыны деньга и шуö: «Мый менам кольттез мöдкөдöсь, не же ли остальнöйезлөн, вот деньга ни пондисö корны кольттез понда». Кондуктор мунис, пуксис аслас местаö, а народ автобус тыр пондисö серавны. Вот сэтшöм шутка петис.



Лена Каниюкова, с.Белоево. ШÖВСЯ ВÖРЫН

Тöлыс вижö да нöбötö.
Лымөн тыртö зэв бура,
Вон кыз пуэсö пасьтöтöм,
Йыөн вевттьöм юись ва.
Шапка мыр вылö кышöтöм,
Сия топ кыз мужичок.
Вöролисезös вайшöтöм -
Быдлөн аслас керкуок.
Кöчыс оз мыччась нораись,
Аслас гортись оз пет руч.
Уннйöмсьянь вөр горалö,
Сідз кбин тшыгыялöм шуч.
Öтдруп тöлыскöт уннйö,
Росий вөрöттяс важын.
Только следдэс оз тыдалö,
Дыр оз шед сылö некин.
Төн нöбötис, падеритис,
Талун небо оссис ван.
Сымда гажсö быдлö сетис
Шондi - мича чужöмбан.

кафе
У СВЕТАНЫ

Всегда в наличии
• шашлык, шаверма
• и свежее живое пиво

А также проведение банкетов, юбилеев, встреч одноклассников (до 20 человек)
ел.: 5-10-74, 89068888136
г.Кудымкар, ул. Кутузова, 2
с 11.00 до 01.00